

四庫全書

史部

# 欽定四庫全書

史部

殊批諭旨卷三十五

臣 永 瑆 恭 校

編修臣 裴謙覆勘

總校官中書臣朱 鈐

校對官中書臣蔣 寬

謄錄監生臣陸 鼎

欽定四庫全書

硃

批諭旨卷三十四

硃

批李成龍奏摺

雍正元年三月初九日安徽巡撫

臣

李成龍謹

奏恭請

皇上聖安

朕安爾向來官聲中平雖無貪黷穢跡而亦無清勤美

譽朕念

皇考委任封疆有年容爾黽勉自新此後若仍然徇情面  
納賄賂交結權要從事鑽營國法無私追悔何及特諭

同日又

奏為凜遵

聖訓叩謝

天恩事

臣

齋摺人回恭捧

欽賜黃匣內係綠端硯眼鏡鼻煙壺火鏤包荷包阿膠

到安慶

臣

隨即率同屬員郊迎至署叩頭祇領除

將感激下情另疏

奏謝外竊臣至微極賤受

先帝殊恩由縣令洊擢巡撫才庸識陋每以不能稱職夙

夜抱慚今蒙

皇上硃批嚴切教誨臣跪讀

天語悚惶恐懼感激涕零惟有凜遵

聖訓時時兢惕潔已奉公以期仰報

高厚於萬一至於地方官員內或有太監之子弟親屬

捐納成名或無賴之徒投入諸王阿哥府中借勢  
生事擾害地方者臣現在遵奉

諭旨細心密訪有則即行據實叅奏不敢容隱為此具

摺恭謝

天恩謹

奏

覽奏已悉念爾本門主怡親王公忠自矢匡襄政務朕  
所以推恩下逮於爾父子爾其知之當砥礪自新愛民

勤政以全爾主王之顏面密之勿令人知

雍正元年四月二十八日安徽巡撫

臣

李成龍謹

奏為恭報二麥豐收分數仰祈

睿鑒事欽惟我

皇上念切民生

恩周蔀屋

天心協應年歲順成

臣

所屬安徽等處今當二麥成熟據

各屬具報收成分數前來安慶徽州寧國池州太

平廣德六府州收成十分九分不等廬州鳳陽滁  
州和州四府州收成九分八分不等安慶米價每  
石九錢大麥每石三錢二分小麥每石七錢六分  
民生安堵理合恭

奏上慰

聖懷伏乞

睿鑒謹

奏



知道了向後一切雨水年歲及吏治民生總宜據實上達若仍前以寬慰聖懷恐煩睿慮為辭粉飾欺蔽而託名忠順經朕燭照必治以重罪德音是爾等前車之戒也君臣本為一體中外原無間隔要當彼此披露毫不隱諱上下同心和氣充滿則自能感召

天庥百物阜成萬姓蒙福矣爾其勉之

雍正元年九月二十六日安徽巡撫

臣

李成龍謹

奏為恭報上江秋成分數仰祈

睿鑒事竊

臣

所屬上江地方秋禾已收據各府州具報

收成分數前來安慶徽州寧國池州四府九分八  
分及七分不等太平廬州滁州和州廣德五府州  
八分七分不等鳳陽府八分七分內間有被蝗之  
處所傷甚少並非闔縣皆然又安屬之桐城太湖  
二縣并滁屬之全椒縣禾至將成之候雨澤未遍  
近山高田雖經被旱然窪地仍係有收臣查此時  
稻正登場民食尚無不足當與督臣會商俟十月

以後將被旱蝗之處先行減糶以平市價再行煮賑以救乏食窮民臣等自應設法撫恤務使得所不敢以數處微眚上煩

睿慮相應據實陳明再臣齎把總恭捧

硃批三道到臣欽此欽遵竊惟禁止供應緝除盜賊以及力行保甲社倉皆休養民生安戢地方之要務臣跪讀之下仰見我

皇上教誨周詳無微不至臣惟有時時電勉實心奉行

以仰副

皇上治益求治之至意謹

奏

凡事惟貴力行慎勿陽奉陰違苟簡塞責言雖可聽考  
其事則大不然究復何益汝年齒稍邁恐精神不充或  
致廢弛諸務夫一人之耳目有限安能照察無遺即少  
年人止恃一己聰明亦不能周到總要勤以補拙心口  
勿怠甄別屬員之賢不肖公正嚴明時加訓飭則事亦

不難辦理倘少涉偏徇不能擺脫情面一二私人掣肘  
衆心不服事無大小胥難期成效矣勉之戒之查弼納  
乃係簡用之人當與之同心協力料理一切如仍前積  
習不除經朕訪聞則是爾自貽伊戚寧不辜朕許爾自  
新之恩耶奮志自強勉為良吏特諭

雍正二年閏四月十六日安徽巡撫臣李成龍謹  
奏為恭報二麥收成分數仰祈

睿鑒事竊臣屬安徽等處二麥暢茂情形前已具

奏今據各屬申報收成分數前來安慶寧國池州太

所奏此數處

平四府屬收成十分九分八分不等徽州廬州鳳

未免少過矣

陽滁州和州廣德六府州屬收成九分八分及間

有七分不等米價平減小民樂業謹具摺恭

奏上慰

實慰

朕懷

聖懷再桐城合肥舒城廬江蕪湖當塗等處間有蝻子

間得

無為州更甚

萌發形如蠅蟻尚未生翅易於撲打況二麥已熟

不能為害已嚴飭文武官弁協力撲滅合併陳明

伏乞

睿鑒謹

奏

據奏蝻初萌發尚未生翅切勿漫視麥田雖未受害若至飛起則貽害秋田不淺矣此係人力可以消弭之事飭諭該地方官務令設法撲盡朕已嚴諭查弼納協同爾遴委勤幹之員俾實心任事毋得稍有怠忽倘致滋蔓則因循之咎爾等百喙何辭亟當嚴督撲捕以釋朕

慮

近來聞爾聲名頗好政績較前大改觀矣如此方是人  
不患有過過而能改即屬懿行必照此久遠遵守始不  
有負朕寬容之恩不可以為好字既入朕耳復循故步  
放逸自恣恐禍不旋踵也勉之

雍正二年九月二十八日安徽巡撫

臣

李成龍謹

奏敬請

皇上聖安



朕安朕今日賞爾翎子與夫爾之功名身家得以保全者皆由爾本主王忠勤為國朕所嘉念因而推恩及汝耳但又不可倚賴本主王在內而肆志貪縱國法無私至噬臍莫及時爾本主王亦難以護庇矣倘竟有違明訓辱及爾本主王之顏面有負朕任用之恩爾試思當作何懲處以蔽其辜朕自御極以來用人行政爾具有心胸諒應知悉亟當加勉以當代名臣自勵以仰答朕恩并慰爾本主王之期望若徒在爾本主王前妝飾清

苦冀圖惑朕耳目斷然不能也況汝本王亦非苛索汝輩之主爾今年將耆父子已成立諺語云兒孫自有兒孫福何靳而不為一出類拔萃之巡撫以風示臣僚勉之封疆大吏最忌柔軟姑息涇渭不分玉石莫辨必至一事不能辦理如此剴切訓誨不啻家人父子爾宜謹誌弗忘拳拳服膺切不可對衆宣揚以誇示榮寵自取殞身之禍也密之

同日又

奏為恭報秋收分數仰祈

睿鑒事欽惟我

皇上勤政愛民無時不以稼穡豐歉為念臣屬上江地方今歲秋禾暢茂蝗不為害情形前已具

奏茲據各屬申報收成分數前來徽州寧國池州鳳陽廣德五府州收成九分八分及七分不等安慶太平廬州滁州和州五府州收成八分七分六分不等安慶米價每石一兩零五分大麥三錢二分

小麥八錢二分小民樂業為此奏

聞恭慰

聖懷謹

奏

年歲順成蓋由人事克修也念茲感應之速能不愈加  
凜畏乎二年以來汝之政聲較前豈可同日而語勉之  
聞朱作鼎人甚糊塗居官平常其據實奏覆

雍正二年十一月初十日安徽巡撫

臣

李成龍謹

奏為奏

聞事

臣

具摺恭報秋禾收成分數奉

皇上硃批聞朱作鼎人甚糊塗居官平常其據實奏覆  
欽此欽遵 臣查朱作鼎近年以來經 臣時加訓飭  
雖自勉勵而糊塗平常誠如

聖鑒理合據實奏

聞伏乞

皇上睿裁謹

奏

所奏已悉朱作鼎為爾屬員頗有年矣其辦理事務猶有可惜處否爾如不惜即將伊革黜另簡賢員補放也

雍正三年正月十一日安徽巡撫

臣

李成龍謹

奏為再行回

奏仰請

聖裁事

臣

回奏按察司朱作鼎一摺欽奉

硃批

臣

跪讀之下仰見

聖主體恤下情無微不至臣敢不永矢犬馬愚誠上圖  
報效竊朱作鼎自臣到任後辦理事件原無貽誤  
江省民情亦所熟悉近年來蒙

皇上諄切垂訓更加凜惕似可暫留策其後效倘不益  
加勉勵臣當不時叅奏可否留其在任臣不敢擅  
便謹據實回

奏伏乞

聖恩裁奪謹

奏

年羹堯屢奏朱作鼎斷不可姑留朕採訪輿論不過言其庸碌並未聞有甚劣之蹟所以諭問爾既欲策其後效何必革黜近日年羹堯擅作威福逞姦納賄朕甚惡之聞爾與伊原係世誼爾子現在陝西通情敘禮則可若畏勢比昵附和則恐為伊連累也諸凡亟當慎之朕以大公無我之心普照萬方不但年羹堯倚仗不得任誰亦不能降禍福於爾等除爾本王之外惟宜孤介自



持今已雍正三年矣爾等向日之得心應手處皆不靈  
矣戒之勉之

雍正三年七月二十二日安徽巡撫臣李成龍謹  
奏為恭謝

天恩事竊臣前齋摺千總捧回

欽賜內製各色錠藥一匣今齋摺把總又捧回

欽賜鹿尾六箇到臣俱郊迎至署恭設香案叩頭跪

領訖伏思臣一介庸愚竊祿曠官愧乏涓埃之報

更蒙

天恩高厚

賞賚頻加

臣

惟時時以

君恩在念深思地方為重益加兢惕小心謹慎奉職以  
圖報稱於萬一耳為此具摺恭謝

天恩謹

奏

朕今已用爾為楚督矣其加勉毋怠莫負朕恩照此三

年居心行事庶可永保無虞也慎勿再蹈前轍因循自便事事舉頭看

天件件捫心自問凡起一因私廢公之念隨即慚而不忍為則漸近自然矣湖廣盜案繁多當竭力整頓能清盜源始為上策不揣其本而齊其末可憐無藉窮黎比比陷於誅戮殊覺惻然爾悉心講求良法而力行之

雍正三年九月初十日安徽巡撫

臣

李成龍謹

奏為敬陳微

臣

感激下悃併報鳳陽關稅足額贏餘

仰祈

睿鑒事

臣蒙

皇上諄切教訓得以勉奉職守涓埃未報悚懼不安今

又蒙

特恩補授湖廣總督驚聞

寵命感激涕零竊思全楚重地負荷非易

當立志為千古人物其俗吏之陋習必洗滌淨盡無遺

君思愈厚報稱益難臣惟有更加兢惕小心砥礪篤鈍

汝為閩省綱領不但自淑一身要須表率屬員俱躬行

澄清吏治綏輯兵民以期仰報

高深實蹟以振起頽風方不負朕之任用也勉為之總宜屏於萬一除已具疏恭謝

除私念毋涉欺隱惟效法汝本門主怡親王之居心行

天恩外所有臣經管鳳陽關稅自雍正二年八月二十

事即為已得標準矣內外大臣若果能皆如怡親王之

九日起至雍正三年八月二十八日止又值一年

公直敬慎天下庶務何患不理耶將此諭亦令法敏知

期滿錢糧足額照例起解戶部其贏餘銀二萬一

之

千五百五十兩亦容臣另行解部查收今將微臣

感激下悃併贏餘數目繕摺具

奏伏乞

睿鑒謹

奏

知道了

雍正四年正月十七日湖廣總督

臣

李成龍謹

奏為據實奏明仰祈

睿鑒事

臣蒙

聖恩簡任總督全楚地方重大夙夜兢兢惟恐措施未得其宜至於錢糧關係

國計民生尤當經理盡善查湖北湖南各額徵銀一

百一十餘萬前督臣楊宗仁定以加一耗羨以三

分解交各司庫作起解錢糧飯銀及闔省各項公務之用以七分分給司道府廳州縣各官為養廉之需一切上下餽送盡行革除聞其曾經奏

聞今已行之數年可稱籌畫得當

臣惟循其成例不事

拔本塞源

此為最要但習慣成性熟處難志正已化人

更張仍嚴禁屬員餽送陋規臣亦不與人交際臣

厥功殊不易也

才識短淺無以仰副

委任祇此勉效清慎或可稍報

高厚於萬一耳為此據實

奏明伏乞

皇上睿鑒謹

奏

果肯實力釐剔如楊宗仁所為再兼以爾之和平歷練  
夫復何諭朕之格外加恩於楊宗仁者欲為天下後世  
勸也勉為之

雍正四年三月初三日湖廣總督

臣李成龍謹



奏為恭繳

硃批仰祈

睿鑒事竊

臣

具據實奏明一摺奉有

硃批

臣

跪誦之下感激難名

臣

才微任重若非

聖主訓誨周詳何能免於隕越謹當凜遵

天語時時省惕勉其所難以期稍盡職守於萬一所有

奉到

硃批理合恭繳至

臣

屬湖北湖南地方現在雨水霑足

麥苗暢發合併陳明伏乞

皇上睿鑒謹

奏

極當聚精會神以敬敷治理若祇不過料檢文書章奏  
以及刑名錢穀之案牘而謂克盡乃職則末也封疆任  
重必夙夜思維凡闕闕省之吏習民風事無大小纖毫  
不遺毅然秉公持正以進賢退不肖為己責方不有負  
朕之任用倘欲以因循苟簡之積習邀安靜持重之美

名乃朕所深惡而不取者戒之

雍正四年三月二十日湖廣總督

臣

李成龍謹

奏為據實具

奏仰請

睿裁事本年三月初四日辰沅靖道張廷樞引

見回楚密傳

諭旨前任總督楊宗仁審理張聖弼一案尚未公當致  
多物議著總督李成龍秉公審理如有情弊不可輕

縱如有冤抑亦當據實具奏欽此

臣查核原卷前任

湖北布政使張聖弼先經督

臣楊宗仁以司道朋

比侵銷俸工等銀

題叅續經撫

臣納齊哈以虧空庫銀

題叅俱奉

旨審擬經督

臣楊宗仁撫臣納齊哈公同會審分別擬

罪著落追賠具

題經部議覆於雍正二年九月十八日奉

旨依議轉行欽遵在案除張文燦續經身故并張連登  
呂猶龍牟欽元等應追銀兩已咨原籍本旗著落  
查追外張聖弼許大定現在湖廣嚴追今查原報  
有著可抵銀九萬三千三百一十四兩內已完補  
銀六萬三千八兩原報各屬可催俸工等銀一萬  
七千七十六兩內已完補銀一萬二千五百二兩  
原報張聖弼名下應追銀二萬三千六百二十四  
兩內已續完銀六千六百兩又查另案所叅朋比

侵銷俸工等銀一事張聖弼應追銀八千三百二十兩內已完銀二千七百四十兩又另案題叅張聖弼將州縣起解地丁違例扣批混抵捐項應追銀五千六百四十一兩未完俱於原案報部未完銀兩各將承追官扣限叅處是前後各官扶同侵那虧空既實照例問擬追賠似無冤抑

臣謹查明

原案據實具

奏應否再審伏候

睿裁批示遵行謹

奏

覽奏可謂明晰之至朕意浮言之起不過因楊宗仁無隙可尋於其身後將此等舊案吹毛求疵以來熒惑朕之耳目耳然朕凡有所聞務必追究根源不容糗糊過去也

諭湖廣總督李成龍巡撫法敏等朕聞有名高符吉者籍隸楚省之漢陽縣年羹堯於任川撫時即託伊執掌

貨賄貿易江湖興販米糧木植家累巨萬以故隱匿年  
羹堯貲財甚多爾等速行查究搜追毋使姦徒得以詭  
寄運藏也李成龍與年羹堯原係世誼今年羹堯罔上  
營私罪譴重大李成龍當慎瓜李之嫌勿稍瞻徇以自  
取波累特諭

雍正四年五月初四日湖廣總督

臣

李成龍謹

奏為恭繳

硃批仰祈



睿鑒事

臣前具恭繳

硃批一摺續具前任湖北布政使張聖弼虧空錢糧一

摺俱奉

批示到

臣

當即恭設香案叩頭跪誦祇遵訖所有蒙

聖主指訓之處

臣

惟時時留心省惕勉力奉行以期無

負我

皇上諄切提撕之至意謹將

硃批二件恭繳伏乞

睿鑒謹

奏

務須實力奉行始不有忝厥職如滿保黃國材三年以來何事不批諭天下督撫中惟於伊二人批諭甚多殊筆所書不下數萬言閱其所奏天花亂墜朕亦無數嘉獎格外優恤及至於今考其作為何嘗實力奉行一言念及此殊無意味每不禁為之面赤也縱不惜朕恩其如昧自心何其如

上蒼之鑒察何爾萬不可效法若輩之居心行事而為宇宙所不容也向來負國辜恩欺天罔上朋比為姦寅緣作孽種種巧詐鑽營之積習惟賴內外大臣痛加浣濯力為剷除訓飭子弟勸戒親友正己化人上行下效庶或挽回澆漓而漸幾於返樸還淳也否則不特非國家之福基亦為爾等之禍因流蕩不已且恐殃及於後世子孫讀朕此諭當恍然警悟如道鐸振耳晨鍾醒夢各皆心悅誠服樂從朕訓而行將見我大清太和翔洽悠

久無疆福祚寧可量耶勉之勉之朕以四十年來所真  
知灼見者於此三年內備悉開導曉譬萬端誠不啻舌  
敝唇乾矣而內外臣工竟不見有翻然悔悟者仍然固  
執陋習疲玩如故朕實有所不解不知諸臣何靳而不  
樂從也俗尚之難移一至於此朕時惟仰

天歎息自愧無能耳

雍正四年七月十一日湖廣總督

臣

李成龍謹

奏為恭繳

硃批仰祈

睿鑒事

臣

前具摺恭繳

硃批奉

皇上批示到

臣

當即恭設香案叩頭跪誦祇遵訖

臣蒙

聖主教訓周至感激涕零每念身受

皇恩至高至厚日思捐糜頂踵以圖報效惟是才識淺

陋無以仰副

委任至意晨夕惶悚不能自安謹當實心省惕知改知

勉以期仰報

天恩於萬一合將

硃批恭繳伏乞

睿鑒謹

奏

必將從前得心應手之老練故智盡情洗滌絲毫毋存  
方能仰承朕訓不然恐終不能保全名也今將朕批  
示石文焯之諭旨發來爾看即可知朕意之所向矣



硃批諭旨卷三十四



欽定四庫全書

硃批諭旨卷三十五

硃批何世璠奏摺

雍正四年四月初八日貴州巡撫

臣何世璠謹

奏為奏

聞事竊

臣奉

命撫黔於雍正四年正月初四日自揚州起程至四月

初二日抵任已將入境受印到任日期分疏

題報在案

臣

仰體

聖主軫念民生至意沿途訪問米價據土人僉稱去歲  
仰賴

皇上福庇年登大有萬民樂業今春雨水調勻春花暢  
茂江蘇米價一兩一二錢不等浙江米價一兩二  
錢江西米價一兩湖廣米價八九錢不等貴州省  
城米價每石六錢各府米價每石四五六錢不等  
其豆麥雜糧等項現在飭查收成分數容俟覆到

另報除地方事宜容臣察訪確實次第入

告外所有沿途米價及雨水情形臣謹繕摺奏

聞謹

奏

覽奏實慰朕懷全賴爾等封疆大吏代朕宣布風化感  
召

天和以迓休徵也期共勉之

同日又

奏為奏

聞事

臣荷蒙

聖恩巡撫貴州入境以來聞貴陽府所屬廣順州之長

寨等處仲苗頑梗阻建營房

臣

抵省面晤署撫

臣

石禮哈及准提

臣

馬會伯咨札僉云長寨地方經

前任督撫於謹陳調劑等事案內

奏准設立營房防汎仲苗以出入未便遂爾攔阻會

經差員再三化導苗性頑梗如故業經令遊擊等

領兵前往勦撫兼施等語微臣竊思狎苗固屬光  
肆然其中亦有強弱良頑之不同為臣子者果能  
遠布

天威勤宣

果有真知灼見處乃係極好之事若因一時偶然之見  
聖德分別其善惡顯示以信義彼自當相率而歸化若  
遂作如此迂謾恐悞封疆重事也慎之

一旦驟行進勦無論約束少寬不無騷擾之累路  
徑不熟不無蹉跎之虞即使動出萬全而大兵所  
到玉石難分仰體我

皇上好生之德必有惻然不忍者臣以事關重大不得

不極為詳慎因屢札致提臣囑其嚴飭將弁毋得

恃勇躁進

臣

一面差委

臣

標守備持示飛往宣布

若諭令改革不阻設營之舉孰美於此但恐未必能耳

皇恩多方曉諭頭目勸令衆苗向化如彼就撫歸誠即

將頭目重賞以示鼓勵倘仍怙惡不悛

臣

與督提

此等套語朕前不必若讀書者皆成迂拙庸儒則國家

二

臣商酌相機而行惟是

臣

迂拙庸儒未

語

軍旅

不必開科取士矣且朕以封疆重任寄之庸儒則朕之

既

恐失之疎率又恐過於畏葸伏乞

恩

賜指示方畧以便遵行則地方民苗均沐

迂拙又當何如耶朕生平不喜此等無理虛文向後戒

恩賜指示方畧以便遵行則地方民苗均沐

洪慈於無既矣為此繕摺具

奏伏乞

皇上睿鑒批示施行謹

奏

朕並無奇特方畧諸事求合於中恩威二字惟欲得當而已鄂爾泰非尋常督撫可比其才既優心復公誠封疆大臣中實難多得者類斯等事當聽其指揮而行不可另立主見掣肘以失機宜再馬會伯原屬徧急每失

之於太過新任楊天縱深悉苗夷情形諸凡料理皆得  
其中凡事可與之同心共濟萬不可存文武各途卑鄙  
褊淺之見有悞地方事宜至於莅政惟勤毋怠敷奏惟  
實毋隱敬之勉之

同日又

奏為恭請

聖訓指示以便遵守事竊

臣前奉

恩綸陞授黔撫即欲奏請



陛見恭聆

聖訓緣續奉有速赴新任不必來京之

諭旨當即欽遵就道是以不敢瀆請但臣鄙陋之處久

在

聖明洞鑒之中今當此邊疆重地民苗雜處自揣庸愚  
惟恐隕越日切悚惶伏惟我

皇上睿慮周詳無遠弗届凡所以安輯民苗撫綏地方  
之碩畫有非臣下所能見及者仰懇

聖慈將黔省要務

恩賜批示摺內俾

臣得有遵守免致貽誤而全省官民

亦共沐

聖德於靡涯矣謹

奏

寄爾等以封疆鉅任朕不竭誠指示更諭何人耶但爾  
地方要務朕既未親歷其境何可妄以為知即有所見  
亦不過得之傳聞總賴爾等大臣無欺無隱凡百悉據

實入告君臣同心商酌則可耳至於居心立志應如何  
處朕今一一訓示於爾若能實力遵奉而行於地方吏  
治自大有裨益也不可惟務虛名而廢實事不可但求  
潔已而不奉公不可以因循為安靜不可以生事為振  
作毋偏柔善以盜寬仁之譽毋事姑息以邀屬員之感  
毋徇友朋之情而欺主毋受權要之託而誑君黔省錢  
糧有限爾之操守素為朕知此外亦無可訓諭再者武  
備不宜輕視稍致懈弛當十分留心時加鼓勵苗夷雖

云蠢而無知然亦人也若地方有司實意矜恤令其知  
感營伍嚴肅令其知畏朕可保其永遠無事恩威二字  
萬不可偏用偏用目前雖有小效將來必更遺大患非  
為國家圖久安之策朕所不取鑒別屬員不可盡以科  
甲為人材而視他途為市井小人自古用人無方賢愚  
豈宜如此區別凡事虛衷秉公切勿預蓄成見世情難  
測何可逆料平心以待彼來此應何事不得其理也最  
要者實力奉行一語勉之勉之莫負朕倚任之重特諭

雍正四年四月二十九日貴州巡撫

臣

何世璜謹

奏為奏

聞事竊

臣奉

命撫黔凡關官方吏治惟仰體

聖懷時加察訪除現在官員賢否另摺陳

奏外所有奉

旨揀選發至黔省委署之舉人李倓等十名部文內開

如署任內才守兼優著有實效保題引

見補用等因

臣

到任後即查案細訪除朱璣已經病故

周載恒梁涑丁憂外所有委署婺川縣印之鄧澗  
署鎮遠縣印之羅鳴序署畢節縣印之陳國棟皆  
安靜供職至先經委署普定縣之高騰蛟署印江  
縣事之唐枚在任之時循分供職其先署修文縣  
今現委署理永從縣印之李倌與先署安南縣今  
現委署理普安縣印之彭月孫俱辦事勤慎查各  
員署事未久賢否尚難區別容

臣

再加試看如著

有實效自當保題送部引

見再查前撫

臣

張謙帶至貴州以知府補用之張鉞奉

旨留黔令

臣

酌量題補

臣

見其為人勤慎明白具有才

識俟有知府缺出

臣

即具題請

旨補用理合一併奏

聞

臣

謹

奏

知道了應題者仍行具題毋謂已曾密摺奏過也

同日又

奏為奏

聞事竊查貴陽府廣順州所屬之長寨等處狎苗頑梗

阻建營房一案前經署撫臣石禮哈提臣馬會伯

勒兵苗疆先行化誨臣到任後又仰體

皇上好生之心復遣臣標守備徐希達持示前往再行

曉諭業經具摺奏

聞旋據該守備回稱苗人有欲出申訴者云畏懼大兵



不敢輕出臣即諭令將欲出訴者帶至省城以便

親加化誨隨於四月十七日臣標遊擊趙文英到

省帶領阿叱之姪阿拏火連忙頭人阿猛併附近

各寨頭人阿戎等共十四人到臣衙門臣宣揚

聖天子威德令其傳諭各寨頭人俾其凜遵

國法請兵安營限以三日為率隨賞以花紅錢布等

物令其持此前往化誨以示鼓勵諸苗俱感激叩

頭僉云情願回去勸化衆人迎接官兵進寨安營

等語去後茲據徐希達持趙文英稟稱帶領阿戎等至營即令往長寨曉諭至二十二日阿戎等回營稟稱同阿罕進寨將

皇帝愛恤生靈之意再三勸化奈無知兇苗倚恃烏合之衆斷不肯請兵進寨安營等語阿戎見他們兇頑不改只求發兵進勦阿戎等情願為鄉導以報天恩等語據此則是長寨兇苗頑梗狂肆不可化誨定當剪伐無疑矣

臣

查長寨頑苗所以膽肆抗違者

不過恃其黨羽之衆結連同筍焦山等處聯絡聲援互相犄角遂爾鴟張豕突今臣等徧加曉諭俾附近諸寨如同筍焦山之阿戎等苗寨已漸次解散願為前驅各寨之羽翼既散長寨之聲援自孤雖其頑梗如故而我兵前往攻擊可無旁顧之憂矣除咨會提臣令其相機行事外謹先將現在坤苗情形據實奏

聞伏乞

皇上睿鑒

臣謹

奏

朕前諭甚明鄂爾泰馬會伯石禮哈非故為生事邀功之舉伊等確見事有不得已處方定議如此料理爾初到任未達地方委曲情節不可偏執迂論掣肘致誤機宜罪歸於汝也凡值類斯等事若稍涉罷軟因循遺害非細似此意見不到處慎毋輕作主張當以此事為終身戒

同日又

奏為奏

聞事竊

臣

荷蒙

皇上隆恩俾撫黔疆莅任以來無時不仰體

聖心以察吏安民為念今查布政使申大成歷練有年

辦事明敏但初任旬宣尚須覘其後效糧驛道李

日更勤謹供職貴西道吳應龍人亦明白貴陽府

知府鄭錫爵居官謹飭思州府知府張廣泗才堪

任使頗悉苗情鎮寧州知州朱齊年循聲素著現  
在給咨赴部引

見至於貴定縣知縣荆龍章聲名不堪開州知州周恒  
老邁糊塗已經查明實蹟另疏糾叅外餘者容臣  
細加察訪續

奏再學臣王奕仁校士三載廉明有聲合併奏

聞伏乞

睿鑒臣謹

奏

察吏安民乃爾封疆大臣之專責正已率屬不容瞻顧  
凡百惟當一秉至公毋苛刻以示嚴厲毋姑息以邀寬  
譽一切預作如何若何之見者皆屬懷私不肯致身與  
國家之輩朕所不取也但知潔已自全而不奉公者朕  
深惡之當領悉朕意酌中而行勉之

雍正四年五月二十九日貴州巡撫

臣

何世璜謹

奏為盤查司庫錢糧仰祈

睿鑒事竊查撫臣到任例應盤查司庫

臣

抵任後適布

政使劉師恕陞任卸事隨檄行新任藩司申大成  
查明管收除在造具四柱清冊前來據冊開劉師  
恕自雍正元年五月到任起至雍正四年三月止  
任內經管錢糧并申大成本年四月初一日到任  
起至本月二十二日止現在任內經管錢糧除按  
年按月照例支放銀兩連前任撫臣金世揚收買  
水銀動支銀兩存有水銀可抵俟運賣完日歸項



外該實在存庫銀二十二萬一千八百七十九兩

零

臣

逐一躬親盤查現貯庫銀一十六萬六千五

百七十兩零少銀五萬五千三百九兩零據單開

劉師恕任內有原任威寧鎮

臣

麥世位虧空銀兩

又江蘇湖南江西三省解官短少協餉銀兩又管

承寵衣物抵補那移猴子廠課銀兩又弁兵循例

預支季餉等銀兩又各屬欠解稅課廩給併缺俸

長支俸工等銀兩又文武各官領借銀兩又墊支

文職各官養廉銀兩申大成任內弁兵循例預支  
季餉等銀兩又馬鬃嶺齊家灣丁頭山等三廠欠  
解鉛觔變價銀兩又文武官弁領借銀兩又墊支  
文職各官養廉銀兩臣隨弔取文武各官印領併  
查各原案雖與單開數目相符惟是庫項不便墊  
借久懸除臣已檄令該司勒限嚴催解補外所有  
盤查司庫錢糧併新舊二司墊借未補欸項謹據  
實

奏明伏乞

皇上睿鑒

臣謹

奏

所奏甚悉庫項墊借與兵弁尚可看其情節此外皆不法之端即具有印領錢糧豈容虛懸當勒限完補為是兵弁所借者當再斟酌之如此秉公毫不瞻徇朕甚嘉之檄催解補如有不能速完光景當題叅者即行叅奏

同日又

奏為奏

聞事

臣自蒙

聖恩陞授貴州巡撫到任以來日夜兢兢目下五月間陰雨連綿惟恐有傷田禾晝夜焦心差官四處查勘據覆官舍與民屋泥牆間有倒塌而田禾却極茂盛臣於晴霽之日因出郊勸農即細加履勘與委員所覆無異當問之土人僉云五月正值插秧之時貴州悉屬山田宜多雨水秧始暢茂臣見禾

苗茂盛果無妨礙將來必獲豐收此皆仰賴

皇上愛民如子至誠格

天之所致也所有近日雨水情形

臣謹繕摺奏

聞謹

奏

向聞貴州廣西每於雨多之歲冀望豐收今果然矣

同日又

奏為奏

聞事竊查廣順州之長寨者貢等處种苗阻建營房不聽化誨情形已經據實奏

聞後臣因官兵不日前進誠恐附近良民驚惶躲避廢業曠時因委思恩府知府張廣泗前往曉諭附近長寨良民令其耕種貿易各安生業嗣據報稱良民俱各安業秋毫不擾尋據總統劉業浚報稱五月初九日協同進剿除劉業浚同遊擊趙文英率領馬步兵駐劄宗角老營應援守備周豹率兵防

守定番把總史定邦率兵防守廣順外其餘諸將  
領兵分為三路遊擊官祿田玉率領馬步兵分佈  
谷隆一路尋攻破谷隆口因此口乃長寨緊要門  
戶遂屯兵嚴守分遣千總許朗等攻破谷隆之岩  
底等七寨燒燬賊巢房屋數百間前後生擒賊犯  
四名我兵被傷十名遊擊卜萬年詹天祥率領馬  
步兵併土兵分佈焦山一路卜萬年攻破竹林翁  
忙井口三處遂搶長寨後梁詹天祥攻破冗甕火

連忙遂入長寨賊巢與卜萬年會兵屯劄礮傷苗賊數人餘皆奔潰逃匿深箐我兵被傷二名遊擊張朝宣翁世雄率領馬步兵併土兵從馬落孔一路而入連開關口四道由火連忙上寨巖直搗長寨復開關口二道攻破上院寨等三處賊苗逃散現在屯守又稱頑苗將家口牲畜米糧藏匿羊城壘內此壘上平下陡四圍壁立一徑羊腸地勢險峻頗難仰攻現今陰雨連綿容俟稍晴相機進攻



擒獲首惡安插餘黨以彰

德威等情到

臣臣

查官兵雖入長寨而渠魁逃匿未獲

營房尚未建立所報果否盡實布置果否得宜容俟細查明確

臣

與督提二臣合詞具

奏第以事關軍務恐厯

聖懷謹將據報情形先行繕摺奏

聞伏乞

睿鑒

臣謹

奏

此事諸臣籌畫久矣乃不得已必當舉行之事觀此強橫不法情形豈可不動干戈而專以德化者乎汝初到任益浪迂論於此益可見矣汝今不必驚惶但坐看伊等成功其或一時未能清理稍有守候致遲時日一切糧餉之接濟兵弁之賞犒悉當聽從督提之調度而行若少掣肘阻撓有悞機宜汝難免罪愆之愼之不可存一毫私忌之心從來文武不能合志每至悞事觀汝此

奏頗露不樂成功景況朕甚憂之

雍正四年六月二十九日貴州巡撫

臣何世璠謹

奏為盤倉事竣據實奏

聞事竊照存倉米穀例應督撫查奏

臣奉

命撫黔准署撫

臣

石禮哈將常平倉存貯重農積貯欽

奉三案米穀數目造冊移咨到

臣臣

即檄行布政

司會同貴東貴西二道慎選廉幹之員分往各處  
併將支存秋糧一並盤查去後茲據司道各委員

盤查具報前來

臣

逐一查核除實貯在倉米穀外

各州縣內有存銀抵米抵穀者有民間借欠者有

兵丁借支者有各官借欠者

臣

思倉糧關係

國儲自應實貯豈容存銀作抵及官民兵丁共相借

欠況與冊報實貯不符撥駁糧道照數完補據覆

黔省向來如此從前盤查奏銷等案俱作實貯造

冊報部於秋收後完補

臣

未敢輕信復查之各府

詢之前署撫臣咸稱無異隨取各該保結存案謹

循舊例據造實貯清冊報部至所少米石應照變  
通之例如足三年支用者即令完銀其有不敷三  
年支用者仍俟秋收買補以仰副

皇上軫念儲蓄之至意所有盤查倉糧緣由臣謹據實  
奏

聞伏乞

睿鑒臣謹

奏

雖經據實奏聞更須據實料理也

同日又

奏為奏

聞事竊照長寨仲苗阻建營房一案官兵分路攻擊已

破谷隆長寨等處經臣將情形

奏明續於五月二十九日據報遊擊卜萬年領兵分  
路搜捕見頑苗扶老挈幼跪求招撫問係各寨頭  
人阿叱等十一名隨解赴宗角行營又於六月初

三日陸續據報攻破者貢羊城等坐寨擒獲川販  
楊世臣等併頑苗男婦子女均解赴行營等情旋  
准督臣咨札委令威寧鎮臣石禮哈往軍前料理  
隨准鎮臣咨報於六月初八日自省起程到宗角  
行營將解營之川販頑苗及阿叱等照發在彼料  
理之知府張廣泗等訊供皆因川販李奇以長寨  
安營駐劄官兵伊等不能復為川販遂與楊世臣  
及阿搃等糾衆攔阻李奇於二月內潛往川省頑

苗之阻建營房皆係伊所指使今兵威已震羣苗已傾心向化將先獲之男婦諭令親屬認領四散之苗招回栽插其川販楊世臣等及李奇之妻妾子女咨解到臣臣即發司審擬所有李奇與在逃之川販窩家當移四川撫提二臣轉飭查拏併行黔屬經由之地方文武各官協力嚴拏務獲至原議應設營房現飭知府張廣泗督同地方官辦料興工其餘別有議添營房及抽添兵丁之處統俟



督提二臣酌議會疏

題請鎮臣於二十七日回省二十八日晚又據張廣  
泗稟報官兵拏獲者貢頭人阿搥查係兇犯之首  
應聽劉副將專解赴省等情前來除俟解到之日  
發司收審外誠恐有厯

聖懷先行繕摺奏

聞再貴陽府屬各寨苗民紛紛赴臣衙門具呈情願剃  
頭改裝臣即飭令該府曉諭各頭人令其革面洗

心相率勸勉共為

聖世良民合併陳明伏乞

睿鑒

臣謹

奏

既有前奏在先今為此奏能不少愧乎此事非爾書生  
管見所能料理者已有旨諭部矣

雍正四年九月十二日貴州巡撫

臣何世基謹

奏為奏

聞事竊照黔省今當收穫之際所有秋成分數行司飭  
查去後茲據布政司詳稱今歲雨澤及時高下田  
禾均極暢茂早稻現今收穫晚穀已皆秀實通省  
收成約八九十分現今省城米價每一市斗價銀  
九分折倉斗有一斗五升至各屬米價以倉斗計  
算每斗四分至七分不等等因前來臣訪查無異  
惟鎮遠縣普安州界連滇楚係水陸通衢米價稍  
昂若俟收穫完日價值自然漸減將見戶慶盈寧

人歌大有皆我

聖主生成煦育之所致也為此具摺奏

聞伏乞

睿鑒

臣謹

奏

覽收成米價情形實慰朕懷蓄積乃第一要務邊省尤當加意悉心籌畫刻不可忽者也

雍正四年十一月十五日貴州巡撫

臣

何世璜謹

奏為

聖主訓誡維殷

臣

心愧悔無地感謝陳情仰祈

睿鑒事竊

臣

抵任之初適有長寨頑苗阻建營房一事

臣圖報心切未及致詳遽憑臆見冒昧奏

聞乃蒙

皇上睿慮周詳洞悉機宜節奉

硃批諭旨委曲詳盡諄切異常

臣

跪讀之下茅塞頓開

愧悔交集念

臣

職任封疆不能相機度務偏徇意

見妄瀆

聖聰實有負

皇上之任使投閒罷斥乃分之宜而

聖德涵容曲賜訓誨俾

臣

得翻然悔悟知所遵循

臣惟

有恪遵

訓旨朝夕刻責鑒已往之愆尤為終身之炯戒以仰副

聖主訓誡之洪恩而已今首惡之阿搃阿撈與川販李

奇等俱已就擒各寨犂苗俱已歸誠向化督

臣

鄂

爾恭親往長寨等處撫循安插苗民踴躍歡舞俱  
極得所現獲各犯遵

旨交與究審從此頑苗知有法紀邊方得以寧謐皆

皇上聖算無遺之所致也

臣謹

奏

若能不固執已見文過飾非朕嘉而不罪也此摺朕欣  
悅覽之又慶封疆得久矣

同日又

奏為陳明續完司庫墊支銀兩仰祈

睿鑒事竊照藩庫錢糧

臣

到任後親往逐一盤查少銀

五萬五千三百九兩零經

臣

分析欸項具摺

奏明

臣

因庫項不便久懸一面專檄勒限完補去後

今據布政使申大成冊開前報劉師恕任內未完

銀兩數內陸續催完銀二萬二千五十三兩零尚

未完銀一萬一千五百四十四兩零內除麥世位

虧欠併江蘇等三省短解及管承寵衣服抵補三



項共銀四千五百七十五兩零現在催追變解外  
實未完銀六千九百六十八兩零均係弁兵借支  
統限請領雍正五年春餉扣還申大成任內前報  
未完銀一萬六千四百九十二兩零今已催收全  
完臣查庫項墊借施之於兵弁誠如

聖諭尚可看其情節此外皆屬違例之事豈可因循舊  
習槩為支借臣嚴飭該司此後如兵弁遇有急需  
或可量為借給即於俸餉內扣還其餘弗得擅行

借支致干

功令謹將續完司庫銀數繕摺奏

聞伏乞

睿鑒

臣謹

奏

若肯如此破面辦理公事朕無憂黔之心矣諸凡惟效  
法鄂爾泰可也勉之勉之

雍正五年閏三月二十六日貴州巡撫

臣何世璠

謹

奏為奏

聞事竊

臣

履任時黔西商民紛紛具呈請開礦廠

臣初

慮有利不能無害不敢輕率准行既而思之黔省

土瘠民貧不習織紉之業復不擅商賈之資止藉

耕穫營生而山高嶺峻轉運維艱惟礦廠一項乃

天地自然之利但能經畫有方防範得法上可益

開採

之事利弊相半詳慎為之

課下可便民商之督臣鄂爾泰亦以為可遂行查

驗羊角柞子白蜡三廠已有成效其餘所報之處  
現在飭司清查一有實效議定作何抽收之法再  
會同督臣確議具

題至民間食用鹽觔最為急需而黔省向資川鹽山

嶺崎嶇馱載不易小民往往食淡

臣

思鹽乃天地

所產養人之物川滇皆有獨黔省無之故到任  
後徧加訪察乃知黔省非不產鹽止緣煎試無法  
故致湮沒因原任安順府知府管承寵先因廠課

被叅今已賠補完足在黔日久熟悉地方情形頗知煎鹽之法故會同督臣鄂爾泰咨部暫留煎試今據稟稱躡有數處其中地名白果樹小河二處者原係當年舊開之井但灰石填塞年久今雇覓井匠探驗大有鹵氣確係鹽井業經置備器具雇夫開挖已深五六丈只待鹽鹵一出即可煎鹽呈驗等因前來伏思凡事難於圖始而易於樂成但得一二處有效其餘即可漸次而求幸賴

皇上如天之福倘得每歲出有鹽觔足以接濟食用則

此事

若成何慶如之

民力更舒而課餉亦不無裨益矣謹據實奏

聞臣謹

奏

覽

同日又

奏為欽遵

諭旨和衷辦事備悉奏

聞仰祈

睿鑒事竊

臣受

皇上殊恩畀以封疆重任自惟才短識淺積過多端荷

蒙

皇上優容前後屢

賜硃批訓誨今歲楚雄總兵南天培過黔又口傳

諭旨臣祇領之後晝夜捧讀凡百事宜無不咨商於督

提二臣且上歲督

臣

鄂爾泰來黔之日

臣

將黔省

一切事務與之面相商酌深服其公誠之心才識之卓誠如

聖諭毫髮不爽以

臣

愚昧之質實當勉為效法況茲邊

徼之重敢不商酌而遽行去歲長寨初平鄂爾泰親往彼處安插料理諸事妥協仲苗莫不鼓舞感

戴回心易慮矣黔之西界烏蒙普雄朋比為姦鄂

爾泰自料理長寨之後前往調兵擒捕咨

臣

催督

糧餉併檄飭府州縣等官加意安插撫綏歸順苗



民雖於征勦之方臣未能稍贊一籌而仰觀我

皇上睿謨廣運知人善任俾數千百年倔強難制之苗

若據

汝

日前之過論

何能見今日之光景耶

光景耶

光景耶

光景耶

光景耶

裸一旦納土歸流輸誠向化從此邊方黎庶咸登

衽席而黔省永無西顧之憂臣實不勝踴躍歡忭

也至於黔粵之交有紅江一水界分南北南屬粵

之西隆州北屬黔之普安州顧黔本無錯壤於江

南而粵則有十餘寨插入於江北遂至粵疆勾引

潛匿劫爭多事臣愚以為欲杜其爭端莫若先正

其疆界誠使剴江而理江以南仍屬之粵江以北  
盡屬之黔沿江設汛防渡永杜粵獍往來則潛匿

勾引燒殺刼擄之患諒可少息臣商之督臣已會

此事

據韓良輔亦奏稱甚當應如是者

檄飭查今據地方官確查道里戶口田糧繪圖造

報前來臣復加詳議咨商應聽督臣核定會

題則黔省又可無南顧之憂矣惟謬沖之花衣苗本  
屬楚省之靖州管轄逼近五開負固恃險出沒行  
刼今既歸黔省無論其村寨是楚是黔臣等應遵

擒。拏。盜。賊。無。分。此。疆。彼。界。之。

諭旨隨移咨督提二臣會飭黎平府協多帶兵役併移

會楚省督撫提臣密定方畧奮勇勦擒然後委員

勘定界址以專職守今准湖廣督臣傅敏咨已委

署靖五協副將吳文帶兵進勦而黎平協副將劉

業浚已經革職臣即飛咨提臣另委鎮遠協右營

遊擊韓勲帶兵前往會勦至黎平府知府張廣泗

能員

頗有膽畧兼能武事臣委其贊勦機務會同楚員

雖云設小醜亦不可輕視總之小事當如大事辦大事當  
如小事設法勦撫以除民害諒此小醜不日自當滌蕩也  
今奉如小事辦方是何也大凡人情遇小事易致忽畧往往

不能盡其當然遇大事又易致驚惶失措經云心有所  
特旨於土苗爭訟之案定限完結四省接壤之處設員  
巡查為邊民計至深至遠臣惟有時凜

則又生好樂之思習存種種不正之心豈能籌畫大事  
聖訓之諄切恪遵

耶所以云必有將大事視如小事之襟懷方能從容料  
上諭之周詳務期事無廢弛民獲安寧以仰報

理大事也為封疆大吏者要當勉此二語  
高厚於萬一耳所有督提臣等節次料理黔省事件理

合備悉據實奏

聞伏乞

皇上睿鑒施行

臣謹

奏

覽奏朕深為嘉悅勉為之

雍正五年五月十三日貴州巡撫

臣

何世璜謹

奏為奏

聞事竊照黔省地方山高嶺峻民鮮貿易專資稼穡為  
生於禾稻之外復藉麥苳豆菜等雜糧以濟食用

今春時雨時晴麥莠不苦於霽雨豆花益見其豐  
茂迨自入夏以來將播稻秧之期則又甘霖疊沛  
稻田均得乘時栽插惟是春季遇閏節氣稍晚雜  
糧收割稍遲米穀價值稍昂數日臣商同督臣遵  
照雍正四年四月內前署撫臣石禮哈題准

恩旨於存七糶三之積貯三案米穀併足支三年之多  
餘秋糧內量行平糶接濟民食今雜糧已登市價  
亦減而夏田分數查據署布政使富貴詳報各屬

現在收成內有十分並八九分不等前來臣於出  
城勸農之日親見禾稻之栽插者有與與翼翼之  
蕃雜糧之登場者有如茨如梁之慶臣目擊其盛  
不勝歡忻鼓舞所有夏田分數理合繕摺奏

聞伏乞

睿鑒

臣謹

奏

深慰朕懷此皆卿等察吏愛民除暴安良能舒暢兵民

之情上感

天和之所致朕實嘉賴焉但將向日科甲朋比夤緣積習

痛加洗滌竭力挽回則

社稷蒼生裨益無量矣勉之

同日又

奏為

聖壽普天同慶微臣戀

主情殷仰懇



天恩允准赴京恭

祝用抒誠悃事竊

臣

於雍正元年七月內奉

命督學兩浙曾經跪聆

聖訓蒞任未幾旋補兩淮運使復奉

特恩陞授貴州巡撫屈指

陛辭以來倏經五載雖蒙

聖恩優渥每事詳加

訓誨俾得欽奉遵行但久未入覲

天顏依戀之誠刻不能已茲雍正五年十月三十日恭逢

皇上五旬大慶萬國歡呼而臣受

恩深重若非恭叩

殿陛曷由少伸微悃伏乞

聖恩允臣所請容臣束裝赴

京得同在

廷諸臣叩祝

萬壽無疆更可詳聆

睿訓則不特

臣

孺慕之悃稍抒而黔省吏治民生更荷

聖教於靡窮矣為此繕摺

奏請伏乞

睿鑒批示欽遵

臣謹

奏

五旬之慶已有旨矣程途寫遠不必為此無益之往返  
在任實力為朕辦理政務勝如十次來京面請朕安也

當欽遵諭旨

雍正六年六月初六日吏部右侍郎署理直隸總

督事務

臣

何世璠謹

奏為奏

聞事竊

臣

荷蒙

特恩命署直隸總督事務

陛辭之後於五月二十八日起程六月初二日抵任除

接印視事日期業經恭疏

題報并

奏謝

天恩外伏惟今年直隸二麥收成情形業於六月初一

日據布政使楊紹彙報前來臣到任後查閱詳案

除與協理督臣劉師恕會摺奏

聞外臣自京赴任途次連遇大雨臣恐低窪地畝或有

積水過深處所隨經沿途細加訪問據里民咸稱

朕觀

近日光景似覺雨水太過正在日夜焦思似此隨

俱係隨雨隨晴並無深水妨礙民田之處一路未

口虛言謬語苗暢茂可卜大有此皆

卜大有耶朕雖念切民依汝等若不仰體似此毫無寅

皇上念切民依是以默契

畏之念朕有何法默契

天

心雨暘時若理合奏

心能令雨暘時若耶今覽初次奏詞朕所訓諭敬誠二

聞以慰

字全未能領受奈何奈何汝二人凡有另奏朕有旨不

聖懷至蒙

諭旨安民必先察吏切勿瞻徇畏難切勿袒護朋庇切

勿市私恩以博虛譽臣恪遵

聖訓沿途即加體訪遇有屬員謁見便為再三誠飭俟

灼見其賢否當即會同劉師恕逐一據實

題奏斷不敢容隱姑息致負

好勉之但須言行相符

聖恩至於慎重積貯緝擒盜匪凡有關於民生地方事

宜盡當與劉師恕和衷商確次第舉行臣於到任

之日傳奉

伊非木石豈無人心今日之感固出於至誠但日久漸上諭劉師恕跪聆之下第見其感激涕零出於至誠旁  
忘亦人情之所必然也旁觀者率皆庸愚小人何能見  
觀諸人亦為感動從前與宜兆熊分署而居相距  
及此汝二人但交相勸勉將責任內事實心辦理勝如  
二里有餘書役來往送稿僉押實屬不便且多耽

目下之誠感也  
閣誤事之處今

臣約與同居辦事劉師恕亦首肯

汝前已奏過應如是

稱便尋常與之料理衙署彼此相就再者臣前奏

聞山東濱州地方舊有董姓人家習為盜竊近年以來

此事不必書名另摺奏來此一節亦不必令劉師恕知

之餘言口誦與伊聽可也

嚴加懲戒令革面革心均為

聖世良民庶地方悉獲享寧謐之福至毀神像一事臣

此非急求可得之事須留心徐徐察訪方能得其確實  
自出京以來即留心察訪人人盡云確非瘋人張

某之所為容臣訪確正犯設法擒獲另行奏



聞臣謹

奏

覽

署理直隸總督臣何世璜協理直隸總督臣劉師

恕謹

奏為恭報二麥收成分數事竊照今歲

畿輔地方雨暘時若二麥暢茂俱已刈穫今據布政

司將各府州縣收成分數彙報前來臣等查霸昌

道屬十分九分八分七分不等通永河道屬九分  
八分七分不等永平府屬七八九分不等保定河  
間正定府屬俱十分順德府屬八九分不等廣平  
府屬十分至八九分不等大名府屬八九分不等  
宣化府屬七八九分不等直隸天津州并所屬七  
分不等直隸冀州趙州深州晉州定州并所屬俱  
十分以至七八九分不等二麥登場實稱豐稔黎  
民樂業咸頌

洪庥謹具摺恭

奏伏乞

皇上睿鑒謹

奏

此所奏分數皆屬太過似此虛捏何益之有凡百只以據實為是

雍正六年七月二十四日吏部右侍郎署理直隸

總督事務臣何世璜謹

奏為恭繳

硃批并奏請

聖鑒事

臣

齋摺千總回署捧到

臣

前奏二摺奉有

硃批諭旨荷蒙

皇上訓誨諄切至再至三

臣

跪讀之下

感激可耳何必悚惶

敬遵

訓旨宣誦與協理督

臣

劉師恕祇領欽遵交相勸勉凡

事務期據實以仰副

皇上生成教訓之

天恩於萬一耳至直隸地方事務繁劇

臣

到任後檢查

案卷未完事件多至數百而布按二司皆係新任

臣一面與之晝夜料理一面另立限期嚴飭各屬

上緊趕辦而倉庫錢糧尤恐其向多彌縫掩飾之

弊現在飛委知府親往各州縣盤查又密行察訪

如有虧缺當即一並叅處著落分賠斷不容其弊

混其司庫錢糧臣會同劉師恕親赴司庫將現存

帑項逐一盤查雖新司楊紹護司李正茂本任收放錢糧不致虧缺恐從前尚有未經清楚如前經

臣等查出

題叅之馬任遠等六案及趙國麟等項或被朦朧欺  
好趙國麟可保其無弊錯悞失察則未可定  
飾是以現將冊籍逐細磨核但款項紛繁稽核有

需時日俟查竣之日如無未清另行具

此最為緊要勉之勉之  
奏至各屬審解刑名案件草率舛錯不一而足臣每

日會同劉師恕細加研審如其事之出入不甚相

遠或其人尚可教誨者俱即駁發另審俾得改正  
期其悔悟自新苟或舛錯過甚或本人昏庸難以

姑容者即當就事

是極誠能照此秉公實力行之直隸百姓之幸汝等之

題叅斷不肯姑息因循任其貽誤地方致負

幸朕之幸也竭力勉為之  
主恩再臣於

陛辭之先荷蒙

皇上天思念臣之疾

為善日強苟能恪秉一公孜孜為國計民生何病不除  
御賜醫藥調治茲入秋以來雖亦微有痰嗽舉發然現

保汝

倍加精神也

豈僅勉力支撐而已

在日夕辦理公務竟可勉力支撐較之向年實為

遠勝從此日沐

天恩倘得悉除舊疾奮起精神效力

聖世莫非

皇仁之佑冒也理合叩謝

天恩一併奏

聞伏乞

睿鑒謹



奏

甚是極好朕深幸直隸得人但看今歲

上蒼所賜收成即可知矣惟能確信感應之理有如影響則一生為入之道得矣

署理直隸總督臣何世璜協理直隸總督臣劉師

恕謹

奏為請

旨事竊照天津關務關係緊要非廉幹之員不能勝任

現在各河道暨知府皆有職守難以委令兼管而  
同知通判知州知縣之內又無堪以委任之員惟  
鹽法道衙門事務不繁可以就近兼理而鹽道蔣  
澍年力精壯辦事勤慎居官頗知自愛若委以代  
理關務庶於

國課有益臣等不敢擅便謹繕摺具

奏伏乞

皇上睿鑒批示以便具

題為此繕摺陳明謹

奏

前者曾有此舉不過缺額時以其力能賠墊耳所以鹽道徃徃皆不情願爾等既欲委管亦未嘗不可即具本題奏

雍正六年八月二十四日署理直隸總督

臣何世

璣協理直隸總督

臣劉師恕謹

奏為奏

聞事

臣

等伏查今年直屬各府地方雨水俱各調勻收成分數雖田地高下微有不同大概俱稱豐稔現在飭查因未據各屬報齊是以尚未具

奏惟宣化地方雨水稀少據口北道王棠將宣化被旱情形稟報前來臣等當即批飭確查隨又據王棠報稱宣化已得微雨數次雖不霑足而於田禾甚為有濟等語茲於八月十八日王棠來保詢據口稱宣化今歲年景得雨之處有七八分即被旱

之處亦有三分又據稱本月十三日敬赴

圓明園恭請

聖安

皇上念切民生傳

旨詢及宣屬雨水

臣等仰體

皇上愛養元元至意因念宣化歉收之民至冬似應接

濟議於十一月十二月正月於被旱處所開設粥

廠分賑三箇月應否如是恭候

皇上諭旨遵行再宣化府屬之萬全蔚州二處先據報  
到各有數里雨中帶雹田苗間有傷損查不成災  
一併奏

聞謹

奏

朕若不傳問王崇汝等未必有此一奏也

同日又

奏為遵

旨密訪事雍正六年七月二十九日

臣等於

御賜摺匣內奉到

硃批尚崇廩原奏一摺奉

批此一事密訪的確奏聞欽此

臣

等遵即密遣

臣

標千

總張國政星赴寶坻縣訪查該縣善家莊地方李

葦根子李中節子兄弟二人同陳一鳴賭錢爭鬧

李中節子被陳一鳴毆打情極誤撞殞命控縣將

一鳴監禁有陳君畢等五人往來說合許送知縣

徐大樑銀兩等情與奉

頒奏摺內情節確實相符又查得該令罔惜民瘼催科  
無術濫差滋擾民怨沸騰誠為貪婪不法之員不  
可一日姑容除另疏

題叅究擬外所有遵

旨訪察情由理合奏

聞謹

奏



爾直省屬員俱待他處奏聞奉旨交與方能察出情節  
可謂勝察吏安民之任矣

雍正六年九月二十六日署理直隸總督臣何世  
璣協理直隸總督臣劉師恕謹

奏為恭報秋禾收成分數事竊照今歲直隸地方仰  
賴

皇上至德格

天雨暘時若秋成豐稔臣等通行飭查茲據各道府州將

收成分數呈報前來查霸昌道屬實有十分九分  
不等通永河道屬實有十分九分及七八分不等  
永平保定河間正定順德廣平大名等七府屬實  
有十分九分及七八分不等宣化府屬實有六七  
八分及三四分不等直隸冀州趙州晉州深州定  
州天津州並所屬實有十分九分及七八分不等  
昨據通州知州詳報士民許振祖等呈送瑞禾數  
本其一莖者穗長一尺五六寸並雙穗三穗以及

八九穗至十三四穗不等臣等欽遵

上諭停其

進獻飭令敬貯

先農壇宇以誌休徵臣等覩此年豐人樂惟有益加

敬謹通飭有司多方勸諭俾小民鼓腹含哺之下

共知撙節長慶盈寧以期家給人足耕九餘三仰

副我

皇上愛民錫福之至意所有各屬實在收成分數臣等

謹繕摺具

奏伏乞

皇上睿鑒謹

奏

此皆卿等忠誠任事以感召

天和所致與朕何涉至於用人得當之功則朕不多遜焉  
勉之勉之

同日又

奏為要地需人能員難得據實具奏請

旨事竊照天津州知州張星瑞因承審解官張士達侵

盜鹽花銀兩一案謬擬罪名徇縱要犯經臣等恭

疏隨招附叅並聲明照例摘印委員署理在案伏

查天津係新改直隸州缺又屬邊海地方不但刑

名錢糧事務繁劇且有徵收海稅稽查海船並管

理水利營田河道堤工之責非精明強幹之員弗

克勝任今查有獻縣知縣程材傳者年富力強辦

事勤敏諳練洵稱實心任事之員若以補授天津  
州缺實屬人地相宜於地方民生均有裨益是否  
有當伏候

皇上睿鑒批示謹

奏

照該督所請程材傳補授天津州知州該部知道

雍正六年十二月十七日署理直隸總督臣何世

璣協理直隸總督臣劉師恕謹

奏為奏

聞事竊臣等荷蒙

聖恩委以封疆重任凡接見屬員無不諄切告誡務各  
留心查緝盜匪以靖地方本月初一日元氏縣知  
縣孔傳焯至保臣等委赴平山縣協辦採買稻米  
一事因密囑其留心查訪鄰近山西一帶深山處  
所恐有匪類潛藏即據實密稟去後隨於十三日  
稟稱初九日到平山交界聞沿途行路之人紛紛

私語皆云平山西南地面出一郗姓者善於法呪  
每日借講

上諭律例為名門下已收多人卑職欲問其詳細然後  
會同呈稟但恐彼有知覺是以即行密稟前來臣  
等隨密飭平山縣知縣訪確却姓名字設法嚴拏  
毋令黨羽免脫亦無致地方驚惶俟拏獲審明另  
行具


奏外事關邪教煽惑人心理合先行密奏伏乞



皇上睿鑒謹

奏

所奏甚是但不知平山縣令能與不能也似此委用朕殊不達何難遣一的當人協同該縣辦理也



硃批諭旨卷三十五